

17 հուլիսի 2020թ.

16.07, 15541

ք. Երևան
1345

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 416466/06-Վ

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 17.07.2020թ.-ի թիվ 17528 վարչական իրավախախտման վերաբերյալ արձանագրությունը, քննելով թիվ 17528 վարույթը և կից նյութերը, ՊԱՐՉԵՑԻ

Ա/Ձ Գայանե Մուշեղի Եղիազարյանը /ՀՎՀՀ 35086841, հասցե՝ ք. Երևան, Արգիշտիի փ. 7/6-173, անձն. տվյալներ՝ AM0775601, ՀԾՀ՝ 6302540534/ ՀՀ Հարկային օրենսգրքի 156-րդ հոդվածով սահմանված ժամկետում չի ներկայացրել 2020 թվականի փետրվար ամսվա եկամտային հարկի հաշվարկը, ինչպես նաև ՀՀ Հարկային օրենսգրքի 75-րդ հոդվածով սահմանված ժամկետում չի ներկայացրել 2020 թվականի փետրվար ամսվա ավելացված արժեքի հարկի և ակցիզային հարկի միասնական հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Վարչական վարույթի շրջանակներում Գայանե Եղիազարյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող ապացույց առկա չի եղել, ՀՀ ՊԵԿ իրավաբանական վարչության պետի կողմից 20.05.2020 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Վարույթը կասեցնելու վերաբերյալ որոշումը և ՀՀ ՊԵԿ իրավաբանական վարչություն ներկայանալու, վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ ծանուցագիրը՝ համաձայն փոստային առաքանու վերաբերյալ հետադարձ ծանուցման Գայանե Եղիազարյանը ստացել է և ներկայացրել է դիմում առ այն, որ 2020 թվականի փետրվար ամսվա եկամտային հարկի, ավելացված արժեքի հարկի և ակցիզային հարկի միասնական հաշվարկները ներկայացրել է մեկ աշխատանքային օր ուշացումով, իսկ տվյալ ժամանակահատվածի համար հարկը վճարել է՝ խնդրելով տուգանք չկիրառել:

Վարչական վարույթի շրջանակներում կատարված ուսումնասիրությամբ հաստատվել են կողմի մատնանշած հանգամանքները, մասնավորապես պաշտպանել է, որ 2020 թվականի փետրվար ամսվա եկամտային հարկի և ավելացված արժեքի հարկի և ակցիզային հարկի միասնական հաշվարկները ներկայացվել է մեկ աշխատանքային օր ուշացումով՝ 23.03.2020 թվականին, իսկ հաշվարկներից առաջացած պարտավորությունները մարվել են նույն օրվա դրությամբ, ուստի իրավախախտումն ունի նվազ նշանակություն:

Նկատի ունենալով կատարված իրավախախտման նվազ նշանակություն ունենալու հանգամանքը, ղեկավարվելով Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով, «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով և 49-րդ հոդվածի 3-րդ մասով՝

ՈՐՈՇԵՑԻ

1. Գայանե Մուշեղի Եղիազարյանի վերաբերյալ հարուցված թիվ 17528 վարչական վարույթը վերսկսել:
2. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Գայանե Մուշեղի Եղիազարյանին ազատել վարչական պատասխանատվությունից և հայտարարել բանավոր դիտողություն:
3. Գայանե Մուշեղի Եղիազարյանի նկատմամբ հարուցված թիվ 17528 վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Մասնակցեցի գործի քննությանը, որոշման վերաբերյալ առարկություններ չունեմ

Ստացա որոշման պատճենը

(ստորագրություն)